

والقانون منسيش برده يدمر الطفل بأنه مبدئيا يحرمه من نص أهله (أهل الطرف الغير حاضن عمرهم ماحيشوفوا الطفل ده). ولما الطفل يكبر القانون بيقوله " تحب تكمل تعذيب في بابا ولا بقى تعذب ماما شوية وتروح عند بابا. تخيل القانون أزاى بيحسس الطفل أن هو المسئول عن عذاب أحد والديه .. ولسه.. الطفل اللي بيتحرم من أحد الطرفين بعد الطلاق بيكون احتمال أنه يشرب مخدرات 3 أضعاف أى طفل يطبق عليه الاستضافة .. وكمان احتمال أنه يفشل في جوازه (ده لو اتجوز) 4 أضعاف الطفل اللي يطبق عليه الاستضافة .. وده كلام حكومة انجلترا اللي عندها قانون استضافة للطفل من سن 4 سنين .. (<http://www.spig.clara.net/>)

ومش انجلترا وبس .. ده فيه 136 دولة في العالم عندها قانون استضافة .. و منها كل دول أوروبا وأمريكا وأغلب الدول العربية والأسلمية .. وكمان قانون الاستضافة موجود في ميثاق الطفل العربي اللي مصر موقعة عليه ..

لكن المركز المصري لحقوق المرأة بيقول أن ال 136 دولة اللي عندها استضافة دي : دول متخلفة طبيا ومش بتفهم في مصلحة الطفل ولا الدين .. مع أن قانون الاستضافة يجوز شرعا طبقا لدار الافتاء المصرية :

-فتوى 1504 لسنة 2009 (انظر صور الفتاوى في الصفحات التالية)
-فتوى 755 لسنة 2006 لمفتي الديار المصرية الشيخ "علي جمعة"

نطالب بحقوق الطفل (وزير العدل ينفذها بمجرد قرار و بدون مجلس شعب)

- احنا رايحين نجيب حقوق ولادنا ونطالب بالاستضافة للطرف الغير حاضن (سواء أب أو أم) يومين في الأسبوع مع إعطاء كافة الضمانات للطرف الحاضن أن ابنه حيرج له (بمنع الطفل من السفر وأي ضمانات أخرى) وأيضا ضمانات للطرف الغير حاضن أنه حيشوف ابنه لأن في الآخر القانون هو اللي بيعمي الناس وحقوقها
- وتكون الأعياد واجازات نص السنة وآخر السنة مناصفة بين الطرفين
- الرجوع للشرع في الولاية وسن الحضانة

المسيرة السلمية لرفع الظلم يوم السبت 2 ابريل : مسيرات سلمية كل اسبوع

• في القاهرة: 12 ظهرا امام مجلس الوزراء ثم التحرك الساعة 2 للتحرير ثم ماسبيرو في المحافظات : 12 ظهرا امام محاكم الأسرة كما يلي:

الاسكندرية : امام محكمة الأسرة في محرم بك , وفي السويس امام محكمة الأسرة في الاربعين شارع عمر مكرم, وفي بقية المحافظات امام المحاكم الابتدائية

• يوم الاثنين 4 ابريل كل المحافظات امام وزارة العدل من الساعة 10 صباحا انضم لينا على الفيس بوك : "جلال وقانون الأسرة والأطفال" و "المتضررين من قوانين الأسرة والطفل"

الاتصال : ٠١١ ٢٥٨٩٩٤١١

اللي عمله المركز المصري
لحقوق المرأة ما قدرتش
أسرائيل تعمله في مصر...



الأسرة المصرية



وجه اليوم اللي رجالة مصر يمشوا فيه و هما بيصرخوا في
الشوارع علشان يشوفوا ويربوا اولادهم زي ما شرع ربنا بيقول ..

الرجالة اللي حاربت الاستعمار وشربت من دم الصهاينة في سيناء
مش قادرة النهاردة تاخذ عيالها في حضنها يومين ..

و المركز المصري لحقوق المرأة لسه بيقول أن مصر مجتمع ذكوري

هل تعلم أن فيه أب مصري ولع في نفسه قدام مجلس الشعب يوم

18 يناير 2011 عشان مش عارف يشوف ولاده .. يا ترى ليه؟

<http://www.youtube.com/watch?v=rK2CZe51KxU>

هو قانون سوزان بيقول ايه في موضوع أن الأب يشوف عياله ؟



قانون سوزان: عند الطلاق لازم الاطفال يتحرموا أما من الأب أو من الأم على حسب سنهم
.. و بالتالي احد الاطراف حيكون حاضن للأطفال وله كل الحقوق عليهم والطرف الثاني
الغير حاضن مالوش أي حقوق على أطفاله ولا حتى أنه يشوف الأطفال ... أمال الطرف
الغير حاضن يشوف ولاده إزاي؟

لازم يرفع قضية رؤية تاخذ حوالي سنتين في المحاكم عشان القاضي يحكم للطرف الغير
حاضن بأنه يشوف أولاده 3 ساعات في الأسبوع وده أقصى حاجة في قانون سوزان ..
وكم إن حكم الرؤية ده مش بيتنفذ لأن عقوبة الطرف الحاضن (لو لم ينفذ حكم الرؤية لمدة 3
أسابيع ورا بعض) أن حضانة الأطفال تنتقل إلي والدة الطرف الحاضن لمدة شهر وبعد كده
ترجع تاني للحاضن .. يعني في الآخر الطرف الغير حاضن بيشف
أولاده 3 ساعات في الشهر بعد شوية سنين في المحاكم